

**KANTONALNA  
PRIVREDNA  
KOMORA  
TUZLA  
BROJ 1 i 2  
JANUAR/  
FEBRUAR  
2012.**

# **KOMORSKI INFORMATOR**



**KANTONALNA  
PRIVREDNA  
KOMORA TUZLA**



**SJEDNICE UO I  
SKUPŠTINE KOMORE**



**JAVNE RASPRAVE  
U KOMORI**



**AKTIVNOSTI KOMORSKIH  
UDRUŽENJA**



**JOŠ JEDAN USPJEŠAN  
“VIROEXPO”**

# KOMORSKI INFORMATOR broj 1 i 2 - 2012

## KANTONALNA PRIVREDNA KOMORA TUZLA

### Izdavački savjet:

1. Nedret Kikanović, predsjednik
2. Mirsad Kukić, član
3. Bajazit Jašarević, član
4. Jorgovan Begić, član
5. Gorana Dautović, član

### Redakcijski kolegij:

1. Jorgovan Begić, predsjednik
2. Nedret Kikanović, član
3. Esad Arnautović, član
4. Suad Selimović, član
5. Nurudin Žunić, član

### Izdavač:

Kantonalna privredna komora Tuzla

### Gl. i odgovorni urednik:

Dino Kalesić, dipl. žurnalista

### Tehnička priprema, repro i štampa:

HARFO-GRAF, d.o.o. Tuzla

### Za štampariju:

Zinka Ponjavić, direktor

### Tiraž:

500 primjeraka,  
januar/februar 2012. god.

### Adresa:

Trg slobode bb  
e-mail: komora@kpkt.ba  
http://www.kpktz.ba

Ministarstvo obrazovanja, nauke, kulture i sporta na osnovu člana 19. tačka 13. stav 2. Zakona o porezu na promet proizvoda i usluga ("Sl. novine Federacije Bosne i Hercegovine", broj: 6/95 i 25/97), rješavajući o zahtjevu Kantonalne privredne komore Tuzla broj: 10/15-4481/99. od 30. 04. 1999. godine dalo je mišljenje o oslobađanju poreza na promet glasila "Komorski informator".

## UVODNIK

### Poštovani čitaoci!

U posljednjim danima prošle i u početku 2012. godine, bilježimo niz aktivnosti najviših komorskih tijela. Nekoliko sjednica održali su članovi Skupštine te Upravnog odbora Kantonalne privredne komore Tuzla. Usvojen je Program rada Kantonalne privredne komore Tuzla za 2012. godinu, izvršene su određene kadrovske promjene u komorskim tijelima, prihvaćen je Prijedlog Programa rada UO za ovu godinu.

Kantonalna privredna komora Tuzla u posljednje je vrijeme bila domaćinom nekoliko zanimljivih, kvalitetno organizovanih i konstruktivnih rasprava. Rasprava o nacrtu Zakona o električnoj energiji u Federaciji Bosne i Hercegovine je pobudila veliko interesovanje i okupila značajne predstavnike elektro-energetskog sektora. O svim raspravama opširnije u prvom ovogodišnjem broju Komorskog informatora, a pomenut ćemo samo da su rasprave održane još o Nacrtu Zakona o korištenju obnovljivih izvora energije i efikasne kogeneracije, Nacrtu Zakona o ugostiteljstvu, Prednacrtu Zakona o veterinarstvu FBiH. Presentovani su privrednicima sa područja Tuzlanskog kantona a okupljenim u Kantonalnu privrednu komoru Tuzla i Nacrt Zakona o upravljanju državnim kapitalom u privrednim društvima u Federaciji Bosne i Hercegovine te Nacrt Zakona o radu FBiH.

Poduzete su i brojne aktivnosti u komorskim udruženjima. Održane su sjednice odbora udruženja na kojima su precizirane obaveze i zadaci za naredni period, uokvireni u programe rada udruženja. Između ostalog, razmatran je aspekt razvoja građevinarstva, razmatrana je problematika neprimjene Rješenja o produženju važnosti privremeno obustavljenog održavanja polaska ili voznog reda i privremeno registriranih voznih redova, pokrenuta je inicijativa o izmjeni člana 11. Zakona o privrednim društvima, razgovaralo se o radu Grupacije u 2011. godini, razgovaralo se o primjeni Federalnog Zakona o novčanim podrškama i Uredbi o kontroli kvaliteta mlijeka u 2012. godini te o prijedlogu novčanih podrški za 2012. godinu te o rukovodstvu u upravnom tijelu Asocijacije organskih proizvođača TK-a.

Raduju i uspjesi firmi članica Komore. Preduzeće "Izazov" iz Kalesije je proteklu godinu i dugogodišnje uspješno poslovanje, krunisalo značajnim poslovnim uspjehom, otvaranjem novog salona namještaja. "Pivara" dd Tuzla je izrazila zadovoljstvo poslovanjem u prethodnoj godini i predstavila novi proizvod. Uz sokove sa znakom Ledena te Premium crno pivo, u porodici proizvoda je i Premium Radler Lemon. Javnost je obaviještena o promjeni naziva NLB Tuzlanske banke u „NLB Banka“ dd Tuzla.

Veliko je zadovoljstvo bilo organizovati nastup na 17. međunarodnom sajmu gospodarstva, obrtništva i poljoprivrede Viroexpo 2012. Među 757 izlagača iz 21 zemlje, Komora je organizovala predstavljanje privrede Tuzlanskog kantona. Na zajedničkom izložbenom prostoru, predstavljene su firme članice Komore te Turistička zajednica Tuzlanskog kantona, Općina Tuzla i Vlada Tuzlanskog kantona. Naredna sajamska aktivnost koju će poduzeti Kantonalna privredna komora Tuzla, jeste 19. osječki proljetni sajam koji se u Osijeku održava od 2. do 4. marta.

**Dino Kalesić**  
gl. i odg. urednik

### ZAŠTO BITI ČLANICA KANTONALNE PRIVREDNE KOMORE TUZLA

**Komora svojim članicama kao i onim koji žele biti član ove privredne asocijacije, pomaže u realizaciji poslovnih ciljeva i planova i zastupa njihove interese.**

#### To se prije svega odnosi na:

- **Organizovanje u udruženja po granama djelatnosti: vijeće, sekcije, komisije i druge oblike organizovanja u zastupanju i realizovanju poslovnih ciljeva**
- **Mogućnost besplatnog korištenja kompletne infrastrukture Komore u provođenju svih oblika aktivnosti (multimedijalna sala za sjednice, fax, telefon, i druga tehnička pomagala) za održavanje skupova, sastanaka, prezentacija, promocija, predavanja i seminara**
- **Posredovanje kod izdavanja viza**
- **Pripremanje i organizovanje nastupa na sajmovima, izložbama i drugim oblicima prezentacije**
- **Besplatno predstavljanje u listu "Komorski informator"**
- **Besplatno predstavljanje na web stranici Komore**
- **Besplatni mali oglasi i obavještenja na web stranici Komore**
- **Besplatno uvrštavanje informacija u dnevni "Privredni servis" Komore**





## SADRŽAJ:



**GODINA ZAVRŠILA SJEDNICAMA UO I SKUPŠTINE KOMORE 4**



**PROGRAM RADA UPRAVNOG ODBORA KANTONALNE  
PRIVREDNE KOMORE TUZLA ZA 2012. GODINU 5**



**RASPRAVA O NACRTU ZAKONA O ELEKTRIČNOJ ENERGIJI 6**



**RASPRAVA O NACRTU ZAKONA O UPRAVLJANJU DRŽAVNIM  
KAPITALOM U PRIVREDNIM DRUŠTVIMA U FBiH 7**



**RASPRAVA O NACRTU ZAKONA O RADU FBiH 8**



**INCIJATIVA ZA OSNIVANJE GRAĐEVINSKOG FAKULTETA U  
SKLOPU UNIVERZITETA U TUZLI 10**



**USVOJEN PROGRAM RADA UDRUŽENJA ZA TRGOVINU 11**



**II SJEDNICA ODBORA GRUPACIJE ORGANSKIH  
PROIZVOĐAČA TK 12**



**NOVI SALON NAMJEŠTAJA "IZAZOV" 14**



**ZAJEDNIČKA AKCIJA ZA "OZELENJAVANJE" INDUSTRIJE 15**



**JOŠ JEDAN USPJEŠAN "VIROEXPO" 16**



**RADLER ZAOKRUŽIO SEZONU 17**



**PROMJENA NAZIVA BANKE: "NLB BANKA" 17**



Aktivnosti komorskih tijela ...

## GODINA ZAVRŠILA SJEDNICAMA UO I SKUPŠTINE KOMORE

U posljednjim danima prošle i u početku 2012. godine, bilježimo niz aktivnosti najviših komorskih tijela. Nekoliko sjednica održali su članovi Skupštine te Upravnog odbora Kantonalne privredne komore Tuzla. XII sjednica Upravnog odbora Komore donijela je razmatranje i usvajanje Nacrta Programa rada kao i razmatranje i usvajanje Nacrta Finansijskog plana Kantonalne privredne komore Tuzla za 2012. godinu. Donesena je Odluka o povećanju državnog kapitala po završnom računu za 2010. godinu te utvrđen prijedlog za članove Skupštine Kantonalne privredne komore Tuzla za mandatni period 2010-2014. godina. Upravni odbor Komore jednoglasno je usvojio Nacrt Programa rada Kantonalne privredne komore Tuzla za 2012. godinu sa zaključcima da se u Programu rada za 2012. godinu putem organa i tijela Komore posebna pažnja posveti negativnim trendovima i uticaju pristupanja Hrvatske u Evropsku uniju na privredu u Federaciji, zemlji i našem Kantonu te da se razmatraju investicije na našem Kantonu



i da se vidi koje investicije bi od naših privrednih subjekata bile kao nosioci razvoja na našem Kantonu. Predloženo je da se u Program ugrade aktivnosti i

udruženja i druge organe i tijela Komore provedu predviđene aktivnosti. Treba istaći da je Upravni odbor Komore jednoglasno usvojio Nacrt Finansijskog plana Kantonalne privredne komore Tuzla za 2012. godinu, kao i Odluku o povećanju državnog kapitala po završnom računu za 2010. godinu. Prijedlog da se za predstavnik Skupštine Kantonalne privredne komore Tuzla za mandatni period 2010-2014. godine je također jednoglasno usvojen. Izabrani su Tunjo Pavić („Tehnograd“ d.o.o. Tuzla) umjesto Satka Smajića kojem je prestao status predstavnika u Skupštini Komore zbog smrtnog slučaja, zatim Sead Huskić (ZZ „Ledenička dolina“ Gradačac), umjesto Bože Pavića koji nije više uposlenik DD „Mlin i pekare“ Ljubače Tuzla koja nije članica Komore i Zijad Rahimić (JP Elektroprivreda BiH dd Sarajevo- Z.D: Rudnik „Đurđevik“ Đurđevik), umjesto Husaina Trumića kojem je zbog kadrovskih promjena u Rudniku „Đurđevik“ prestao status predstavnika u Skupštini Komore.

zadaci vezano za tumačenje propisa i akata na području Tuzlanskog kantona i Federacije, a naročito koji se odnose na vodoprivredu, kao i druga pitanja koja se usaglašavaju propisima koji se odnose na Kanton i Federaciju. Poseban značaj je potrebno dati donošenju zakona koji se odnose na energetiku i da se kroz

## I SKUPŠTINA USVOJILA PREDLOŽENE PROGRAME

Skupština Kantonalne privredne komore Tuzla prihvatila je prijedlog članova Upravnog odbora, koji se odnosi na predstavnike Skupštine Komore za mandatni period 2010-2014. godine. Izabrani su Tunjo Pavić, Sead Huskić i Zijad Rahimić, a Skupština je Upravnom odboru, za novog člana ovog tijela, predložila Edima Džambića (direktor DOO „Omega“ Živinice), umjesto Grgić Slavka kome je prestao status člana u Upravnom odboru Komore zbog smrtnog slučaja. Razmatrajući Nacrt Programa rada Komore za 2012. godinu Skupština je usvojila jednoglasno i sa predloženim dopunama Upravnog odbora. Dopunjena je i tačka 6. Programa u kojoj je predloženo da se u aktivnosti Udruženja šumarstva, drvne industrije i prerade drveta doda dio koji glasi: „Pripreme aktivnosti na upoznavanju članica Udruženja sa Direktivom Evropske unije o plasmanu proizvoda od drveta „TIMBER REGULATION“, koja će se početi primjenjivati od 2013. godine sa

tržište EU“. I Skupština Komore jednoglasno je usvojila Prijedlog Finansijskog plana Kantonalne privredne komore Tuzla za 2012. godinu a predloženo je da Kantonalna privredna komora Tuzla od Vlade Tuzlanskog kantona i Parlamenta Federacije zahtijeva da se i u narednoj godini Komori dostavljaju svi nacrti zakona koji se donose na nivoe Kantona i Federacije Bosne i Hercegovine, kako bi Komora nastavila sa dosadašnjom

praksom organizovanja i održavanja javnih rasprava vezano za nacрте zakona, koji se odnose na privredu.





## 2012. GODINA POČELA SJEDNICOM UPRAVNOG ODBORA I KOMORE

Na XIII sjednici Upravnog odbora Kantonalne privredne komore Tuzla je na dnevnom redu bio Program rada ovog tijela za 2012. godinu. Članovi Upravnog odbora Komore jednoglasno su usvojili ovaj dokument sa određenim pitanjima i aktivnostima koje treba razmotriti i uvrstiti u Program. Rečeno je da se u oblasti obnovljivih izvora električne energije sa posebnim osvrtom na solarnu energiju, treba posvetiti posebnu pažnju, obzirom da imamo pripremljenu infrastrukturu. Inače, cijena električne energije je najprihvatljivija za ovu vrstu energije koja se ujedno i posebno stimuliše. Ovaj zadatak treba realizovati putem Udruženja za energetiku, rudarstvo i industriju. Zaključak članova UO je kako je neophodno posebnu pažnju posvetiti smanjenju zagađenja u Tuzli i Živinicama, jer su ovo dva najugroženija grada sa stanovišta zagađenja i intenzivirati aktivnosti na toplifikaciji grada Živinice. I na ovom sastanku je rečeno kako je poželjno da Ministarstvo za obrazovanje, nauku, kulturu i sport TK u saradnji sa Komorom definiše upisnu politiku za srednjoškolsko obrazovanje, jer iz dosadašnjeg obrazovnog sistema izlaze kadrovi koje privreda

neće moći preuzeti, a s druge strane, trebalo bi obezbijediti obrazovanje učenika u deficitarnim zanimanjima (keramičari, zidari, tesari, električari, itd). Potrebno je da se inicira projekat završenja brze ceste za



Sarajevo, Brčko i uključenje u koridor 5C te da se Komora blagovremeno uključi u prijevod evropske regulative u kupovini drvetom koja stupa na snagu 3.3.2013. godine. Sve naše firme koje se bave izvozom u drvoprerađivačkoj industriji, blagovremeno se trebaju pripremiti za navedeni

period. Predloženo je da se uzme učešće u izradi nacrtu zakona koji se odnose na Zakon o porezu na dohodak, doprinose i slično u cilju davanja i predlaganja kvalitetnih rješenja, da se inicira pitanje korištenja otpada kao izvora toplotne energije. Neophodno je da se ponovo inicira pitanje izgradnje bloka 7 i da se u kontaktu sa predsjednikom Skupštine Kantona, premijerom i resornim ministrom, organizuje tematska rasprava po ovoj problematici. Ponovljen je stav i na ovom sastanku, da je potrebno učiniti sagledavanje svih trendova i pozitivnih i negativnih, kada je u pitanju zakonska regulativa sa Hrvatskom koja će u 2013. godini ući u Evropsku uniju, a u odnosu na izvoz naših proizvoda u Hrvatsku. Ponovo će doći i do kadrovskih promjena. Upravni odbor Kantonalne privredne komore Tuzla donio je zaključak da se umjesto dosadašnjeg člana Upravnog odbora gospodina Mirsada Novalića („Kula“ doo Gradačac) zbog preuzimanja dužnosti zastupnika u Parlamentu FBiH, predloži Munever Novalić, direktor privrednog društva „Kula“ doo Gradačac, čija bi se verifikacija i izbor izvršio na sljedećoj sjednici Skupštine Komore.

## PROGRAM RADA UPRAVNOG ODBORA KANTONALNE PRIVREDNE KOMORE TUZLA ZA 2012. GODINU

I ove godine je planirano ukupno 12 zasjedanja Upravnog odbora Kantonalne privredne komore Tuzla. Kao i u prethodnom periodu, o temama za raspravu na ovom komorskom tijelu, raspravljat će se na sjednicama odbora komorskih udruženja, delegirat će se teme vezane za aktuelna privredna zbivanja. Ukoliko situacija u praksi bude zahtijevala, Program se može mijenjati i dopunjavati. Članovi Upravnog odbora će sve delegirane teme analizirati i iznositi zaključke i stavove, naravno u skladu sa zbivanjima u privredi, te odluke, stavove i zaključke prosljeđivati nadležnim institucijama i nivoima vlasti, prije svih resornim ministarstvima u Vladi TK sa kojima se aktivnosti poduzimaju na partnerskoj osnovi, ali i drugim organima i organizacijama komorskog sistema.

Između ostalog, Upravni odbor će u toku 2012. godine, predviđeno je Programom rada ovog tijela, razmatrati Prijedlog mjera, zadataka i aktivnosti za rasterećenje privrede u skladu sa nadležnostima Vlade Tuzlanskog kantona na Tuzlanskom kantonu u 2012. godini te pokrenuti inicijativu za stimulisanje izvoza u djelatnosti tekstila, kože i obuće koji doprinose platno-bilansnoj poziciji naše privrede i

značajno učestvuju u zapošljavanju naše radne snage.

Biće riječi i o položaju mašinske i elektrotehničke industrije na području Tuzlanskog kantona, stvaranju povoljnog ambijenta za poslovanje naročito u pogledu korištenja kapaciteta izvoza i zapošljavanja kao i o



upravljanju komunalnim i industrijskim otpadom na području Tuzlanskog kantona, reciklaži komunalnog otpada na području Tuzlanskog kantona, primjeni pozitivne prakse u upravljanju industrijskim otpadom. Aktuelizirat će se pitanje implementacije strategije razvoja poljo-

privrede Tuzlanskog kantona u praksi za period 2012-2013. godina te problematika novčane podrške u poljoprivredi Federacije Bosne i Hercegovine i Tuzlanskog kantona sa aspekta ekonomske održivosti vlastite proizvodnje hrane. Najavljeno je pokretanje inicijative za osnivanje škola biznisa za osnivanje vlastitog biznisa u prehrambeno-prerađivačkoj industriji, kroz određivanje materijalno-tehničkih pretpostavki za otvaranje biznisa i konstrukciju finansiranja. Na dnevnom redu jedne od sjednica UO Komore, naći će se i Informacija o šumskim resursima upravljanja i gospodarenja sa akcentom na certificiranje šuma i drvne industrije i potreba drvo-prerađivačke industrije za drvnim sortimentima u 2012. godini na području Tuzlanskog kantona. Predstaviti će se i primjeri pozitivne prakse, kao što je slučaj sa firmama „Fabrika cementa“ Lukavac i „Itong“ Tuzla po pitanju implementacije standarda u industriji građevinskog materijala, samo u neke smjernice rada Upravnog odbora Kantonalne privredne komore Tuzla za 2012. godinu, predviđene predloženim i usvjenim dokumentom „Program rada Upravnog odbora Kantonalne privredne komore Tuzla a 2012. godinu“.

Javne rasprave u Komori ...

**RASPRAVA O NACRTU ZAKONA O ELEKTRIČNOJ ENERGIJI**

Kantonalna privredna komora Tuzla u posljednje vrijeme bila domaćinom nekoliko zanimljivih, kvalitetno organizovanih i konstruktivnih rasprava. Rasprava o Nacrtu Zakona o električnoj energiji u Federaciji Bosni i Hercegovine je pobudila veliko interesovanje i okupila značajne predstavnike elektro-energetskog sektora. Slaviša Šućur, predsjednik Odbora za energetiku Federacije BiH otvorio je skup a Tarik Begić, šef Odsjeka za energiju prezentovao je Nacrt Zakona o električnoj energiji u Federaciji Bosne i Hercegovine. Uslijedila je zanimljiva rasprava sa zanimljivim primjedbama i prijedlozima. Uglavnom su se primjedbe i prijedlozi odnosili na to da Zakon treba uskladiti sa važećim federalnim i kantonalnim zakonima a prije svega sa Zakonom o privrednim društvima, Zakonom o javnim preduzećima, Zakonom o prostornom uređenju i građenju, Zakonom o vodama, Zakonom o šumama i ekološkim zakonima. Predloženo je i da se u Zakon ugradi kako će „Vlada FBiH u pripremi elektroenergetske strategije saradivati sa

vladama kantona, a posebno sa kantoni- ma sa izraženim energetske potencijali- ma. Prijedlog je i da se Zakonom defini- ra koji su elektroenergetski objekti od poseb-



nog interesa za Federaciju i da izgradnja objekata za ove namjene predstavlja javni interes, kada su u pitanju vlasnički odnosi i realne mogućnosti rješavanja imovinsko- pravnih odnosa te da se za objekte tipa

električnih mreža srednjih napona istraži mogućnost rješavanja imovinsko-pravnih odnosa kao privremena mjera i sa zahtjevima posebnim za to zemljište. Istaknuta je neophodnost preciznog definisanja šta je rekonstrukcija, a šta sanacija u cilju pribavljanja odobrenja kod nadležnih općinskih službi te ugradnje odredbe u Zakonu da za izgradnju niskonaponskih mreža elektroprivredno preduzeće nije obavezno tražiti odobrenje za građenje. Predloženo je da se u Zakonu definiraju osnovni principi na kojima će počivati metodologija za utvrđivanje cijene uglja kao i da se formiraju članovi u Zakonu koji upućuju na to da su ekonomično i racionalno korištenje električne energije i energetska efikasnost od interesa za Federaciju BiH te da pitanja iz oblasti ekonomičnog i racionalnog korištenja električne energije koja nisu regulisana ovim zakonom, budu regulisana posebnim propisom o ekonomičnom i racionalnom korištenju električne energije i energetske efikasnosti.

**RASPRAVA O NACRTU ZAKONA O KORIŠTENJU OBNOVLJIVIH IZVORA ENERGIJE I EFIKASNE KOGENERACIJE**

Rasprava o nacrtu Zakona o korištenju obnovljivih izvora energije i efikasne kogeneracije, održana je krajem januara u Kanton- alnoj privrednoj komori Tuzla. Uvodne napomene dao je gospodin Nurudin Žunić, sekretar Udruženja za energetiku, rudarstvo i industriju Kantonalne privredne komore Tuzla, a gospodin Tarik Begić, šef Odsjeka za energiju prezentovao je Nacrt Zakona o korištenju obnovljivih izvora energije i efikasne kogeneracije. Uslijedila je rasprava u kojoj je izneseno nekoliko primjedbi ali i ponudeno nekoliko prijedloga koji bi se trebali uvrstiti u ovaj dokument. Prva primjedba je kako je u naslovu dokumenta suvišna riječ „efikasne“ te je treba izostaviti.

Također, stavljena je primjedba na termin „operator mreže“ koji ne treba da obuh-

vata Elektroprenos koji i nije operator. Uslijedilo je nekoliko primjedbi i prijed-



loga vezanih za članov 3 i 8 kao i zahtjev za pojašnjenje odnosa FERKa i OIEIEK-a,

o čemu govori član 9. Raspravljalo se i o članu 10 a učesnici u raspravi su mišljenja, diskutujući o dijelu člana 18. da Zakon treba dati odgovor kako kod potpune liberalizacije tržišta obezbijediti plasman el. energije iz obnovljivih izvora, a da to nije na štetu onog ko je mora preuzeti kao i da treba precizirati kojim aktom i na bazi kojih principa se utvrđuje „referentna cijena“ i ko donosi takav akt, o čemu govori član 23. I drugi članovi zakona su bili analizirani i upućeni su prijedlozi za njihovu izmjenu ili dopunu što bi u konačnici, ukoliko se usvoji, trebalo učiniti ovaj dokument kvalitetnijim.



Javne rasprave u Komori ...

## RASPRAVA O NACRTU ZAKONA O UGOSTITELJSTVU

Ministarstvo za trgovinu, turizam i saobraćaj Tuzlanskog kantona u Komori je organizovalo raspravu na temu "Nacrt Zakona o ugostiteljstvu". Primjedbe i prijedlozi učesnika u raspravi dostavljeni su Vladi Tuzlanskog kantona koja ih je razmotrila i usaglasila sa postojećim dokumentom te na 31. redovnoj sjednici, utvrdila i Skupštini Tuzlanskog kantona na dalje postupanje prosljedila Prijedlog Zakona o ugostiteljskoj djelatnosti Tuzlanskog kantona. Osnovna intencija novog zakona, na području Tuzlanskog kantona, je unapređivanje i podizanje ukupne kvalitete turističke ponude na znatno viši nivo, a sve u cilju stvaranja uslova za brži razvoj turizma, a posebno ugostiteljstva kao njegove temeljne djelatnosti. Naime, na području Tuzlanskog kantona na snazi je Zakon o turističko-ugostiteljskoj djelatnosti čije provođenje u praksi uzrokuje određene



poteškoće, kako za pravna i fizička lica koja pružaju turističko-ugostiteljske usluge, tako i za nadležne organe uprave i

drugih tijela koja primjenjuju ili provode nadzor nad primjenom ovog propisa. Na nivou Federacije Bosne i Hercegovine

donesen je novi Zakon o ugostiteljskoj djelatnosti, koji reguliše ovu oblast, te se i na osnovu toga, ukazala potreba da se i na nivou Tuzlanskog kantona pitanje obavljanja ugostiteljske djelatnosti reguliše novim zakonom. Kako se navodi u Obrazloženju, od predloženog Zakona očekuje se olakšana primjena i razumijevanje zakona, smanjenje sive ekonomije i rada na crno, povećanje budžetskih sredstava i drugih javnih vanbudžetskih prihoda, veća odgovornost nadležnih tijela u administrativnom postupku kod otvaranja novih objekata, olakšana poslovanje ugostitelja uz zaštitu tržišnog natjecanja, u pravilu jednako uređenje radnog vremena ugostiteljskih objekata na području Tuzlanskog kantona, veća mogućnost kontroliranja usluživanja, odnosno konzumiranja alkohola maloljetnih lica, bolja zaštita potrošača, te izmjena strukture smještajnih kapaciteta i veća profesionalizacija djelatnosti.

## RASPRAVA O PREDNACRTU ZAKONA O VETERINARSTVU FBiH

Grupacija za veterinarstvo Tuzlanskog kantona koja djeluje u okviru Udruženja za poljoprivredu i prehrambenu industriju Kantonalne privredne komore Tuzla a u saradnji sa Ministarstvom za poljoprivredu, vodoprivredu i šumarstvo Federacije Bosne i Hercegovine, organizovalo je raspravu o prednacrtu Zakona o veterinarstvu FBiH. Kako je u uvodnom dijelu istakla Nada Rajković pomoćnica ministra za veterinarstvo FBiH, ovaj dokument je usaglašen sa državnim zakonom. Sadrži i određene novine europske prakse kada je u pitanju službena kontrola u objektima gdje se proizvode namirnice životinjskog porijekla. **"Svjedoci smo da je u Europi prisutna praksa da je odgovornost za sigurnost namirnica prenieta na proizvođača. Odgovornost za zdravlje životinje prebačena je na vlasnika životinje, a ne na državu kao što je to praksa u našoj**



**zemlji. Kako bi država mogla izraditi adekvatne programe po pitanju suzbijanja i iskorjenjivanja zaraznih bolesti, jer na temelju trenutnog zakona ne**

**postoji ta mogućnost jer se moraju osigurati sredstva za provođenje tih programa. Dakle, država bi trebala da snosi**

**troškove za svoje aktivnosti no u našoj zemlji je to sve na plećima proizvođača, baš kao i analiza uzoraka koja ide na teret proizvođača. Kada je u pitanju stanje u veterinarstvu na području FBiH, mnogo je nejasnoća, lutanja i teško prelazimo sa jednog sistema na drugi i vrlo teško se uklapamo u novine. Kada proizvođači budu svjesni da zbog nekih političkih odluka neće moći izvoziti robu van granica BiH, sigurno je da će biti povećan pritisak na političare i oni će morati usvojiti nove zakone u oblasti veterinarstva",** rekla je pomoćnica Rajković. Prednacrt zakona o veterinarstvu FBiH, Veterinarska komora FBiH ocijenila je negativno. **"Naš prijedlog je da u skladu sa Zakonom, Federalno ministarstvo kod izrade legislative mora u svoj tim kooptirati stručne ljude iz Komore jer je to Zakonom propisano",** istakao je Jasmin Ferizbegović predsjednik Veterinarske komore FBiH.



Javne rasprave u Komori ...

## RASPRAVA O NACRTU ZAKONA O UPRAVLJANJU DRŽAVNIM KAPITALOM U PRIVREDNIM DRUŠTVIMA U FBiH

Stipe Bulja sekretar Ministarstva i Jasmina Pašić pomoćnica ministra za pravne i ekonomske poslove prezentovali su Nacrt Zakon o upravljanju državnim kapitalom u privrednim društvima u Federaciji Bosne i Hercegovine na raspravi koja je organizovana u Kantonalnoj privrednoj komori Tuzla. Rasprava je rezultirala primjedbama i prijedlozima koji se odnose na potrebu promjene naziva sadašnjeg Zakona, njegovu podjelu u dva segmenta te zahtjevima da se daju određena pojašnjenja vezana za članove 3, 4 i 5. Predloženo je da Vlada svake godine pred parlament izade sa svojom procjenom o preduzećima od posebnog interesa kao i da se ponudeni dokument uskladi sa Zakonom o stečajnom postupku, Za-

konom o privrednim društvima i Zakonom o izvršnom postupku. Bilo je primjedbi i prijed-



loga koji se tiču sindikata, nadzornih odbora, usklađivanju određenih rokova, zauzimanja stava vezano za administrativnu kontrolu, kao i modelima smanjenja plaća. U raspravi su iznesene i određene dileme, naročito u tome da li Upravu privrednog društva i njene plate treba vezati za uspjeh privrednog društva, a ne za prosjek u Federaciji BiH. Navedene primjedbe, sugestije i prijedlozi koji su izneseni u navedenoj raspravi, nisu usaglašeni kao konačni prijedlozi sa ove rasprave, te je u okviru aktivnosti u raspravi o ovom Nacrtu Zakona, navedene primjedbe potrebno uzeti u razmatranje, zaključak je ovog skupa.

## RASPRAVA O NACRTU ZAKONA O RADU FBiH

Zamjenik predsjednika Koordinacionog odbora Kantonalne privredne komore Tuzla Ramiz Karić prezentovao je Nacrt Zakona o radu FBiH. U raspravi koja je organizovana u Kantonalnoj privrednoj komori Tuzla, uvodne napomene je dao Jorgovan Begić, zamjenik predsjednika Komore. Na raspravi o Nacrtu Zakona o radu FBiH date su određene primjedbe, sugestije i prijedlozi koji se, između ostalog, odnose na pitanja formuliranja određenih pojmova, preciziranja određenih obaveza i zakona koje propisuju određene oblasti kako bi se došlo do što kvalitetnijeg i prihvatljivijeg dokumenta. Skrenuta je pažnja na određene stavove nekoliko članova koje treba prerađiti kako bi se smanjile mogućnosti eventualnih manipulacija u određenim segmentima. U raspravi su dotaknute i teme kao što su položaj direktora firme, prijavljivanje radnika, brisanja dosadašnjih i dodavanja novih članova, propisanog vremena odmora u toku radnog vremena, godišnjeg odmora radnika, pojma radni dan, bolovanja, pitanja invalida, isplate otpremnine, pa do ispravljanja i pojedinih gramatičkih grešaka koje mogu uticati na bit dokumenta. Raspravljalo se o uslovima otkazivanja ugovora o radu, pojmu sindikalnog povjerenika. Dat je potpuno novi prijedlog za član 103 koji bi, prema prijedlogu, trebao propisati da poslodavac može radniku ponuditi izmjenu ugovorenih uslova rada (anex ugovora) radi premještanja na drugi odgovarajući posao zbog potreba procesa i organizacije rada. Uz ponudu za zaključivanje anexa ugovora poslodavac je dužan da radniku u pisanom obliku dostavi razloge za ponudu, rok u kojem radnik treba da se izjasni o ponudi i pravne posljedice koje nastaju odbijanjem ponude. Radnik je dužan da se izjasni o ponudi za zaključivanje anexa ugovora u roku

od 8 dana od dana dostavljanja ponude. Smatra se da je radnik odbio ponudu za zaključivanje anexa ugovora ukoliko se ne izjasni u roku i u tom slučaju poslodavac može da otkáže Ugovor o radu. Ako radnik prihvati ponudu za zaključivanje anexa, zadržava pravo da pred nadležnim sudom osporava zakonitost tog ugovora. Raspravljalo se i o članu 155. stavu 2. gdje je predloženo da se doda nova tačka koja glasi: „Podnese krivičnu prijavu nadležnom tužilaštvu, ako u postupku inspekcijskog nadzora utvrdi da je poslodavac radno angažovao više od 20 radnika sa kojima nije zaključen ugovor o radu, odnosno za koje nije podnio prijavu na obavezno osiguranje.“ Bilo je još prijedloga za izmjene ovog člana kao i člana 160 te prijedloga da treba izjednačiti prava radnika i poslodavca kad se najavljuje otkaz, bilo s koje strane. Predloženo je da se u članu 167. propiše prekršaj ako poslodavac ne zaključi ugovor o radu i ne podnese prijavu na obavezna osiguranja u zakonom predviđenom roku. Predlažemo da se raspon, odnosno visina novčane kazne predvidi u zavisnosti od broja radnika sa kojima nije zaključen ugovor o radu, odnosno za koje nije podnesena prijava na obavezna osiguranja i to na sljedeći način: za 1 do 3 radnika raspon novčane kazne od 1.000,00 KM do 10.000,00 KM, za 4 do 10 radnika raspon novčane kazne od 5.000,00 KM do 10.000,00 KM, za 10 do 20 radnika raspon novčane kazne od 10.000,00 KM do 15.000,00 KM. Za očekivati je da će primjedbe koje su zasnovane na praksi a dolaze od brojnih privrednika, naići na plodno tlo, biti prihvaćene i učiniti ovu oblast uređenijom te Zakon o radu u FBiH kvalitetnijim.

D.K.

## GIKIL DOBIO OKOLIŠNU DOZVOLU

U GIKIL Global Ispat koksnoj industriji Lukavac, održana je ceremonija uručivanja „okolišne dozvole“. Ceremoniji su prisustvovali i predstavnici Vlade Federacije Bosne i Hercegovine, a „okolišnu dozvolu“ zvanično je uručila Branka Đurić, ministrica za okoliš i turizam u Vladi FBiH, koja je ovom prilikom izrazila svoje zadovoljstvo što kompanija GIKIL vodi računa kako o proizvodnji i radnim mjestima tako i o okolišu, izvještava BMG. - GIKIL je imao šest zahtjeva za okolišne dozvole od kojih je napravljena jedna integralna dozvola, odnosno svi pogoni i postrojenja GIKIL-a nalaze se u ovoj jednoj dozvoli. To znači da će se lakše pratiti plan aktivnosti, kako GIKIL-u, ministarstvu, inspekciji, tako i građanima. Svi podaci nalazit će se na jednom mjestu, u Federalnom ministarstvu okoliša i turizma – dodala je ministrica Đurić. Za dobijanje ove dozvole prema riječima Faika Buševca, zamjenika generalnog direktora GIKIL-a, poduzete su sve mjere propisane zakonom za pojedine oblasti od zemljišta, vazduha i vode. - Mi smo uradili mnogo toga da bismo zadovoljili uslove za dobijanje integralne okolišne dozvole, jasno nam je da nismo uradili maksimum što traže zakonski propisi, ali u ovoj dozvoli su dati rokovi od pet godina, i sigurno da ćemo to riješiti. Ispunili smo preko 80 % stavki što zahtijevaju savremene dozvole i propisi za rad fabrika. Uloženo je tu puno sredstava, od 80 do 100 miliona konvertibilnih maraka, a tu su i ostali projekti koji zahtijevaju veliki dio finansijskih sredstava, ali ovakvim privredivanjem i stanjem, gdje je 2009. godine bila jedna kriza sad druga, to će biti veoma teško izdvojiti, ali nastojat ćemo dati svoj maksimum - istakao je Buševac. Organizovana je i posjeta i kontrolno-upravljačkom centru GIKIL kako bi se ministrica Đurić i njeni saradnici na licu mjesta informisali o načinu i stanju proizvodnje u ovoj kompaniji.





dioničko društvo za promet roba na veliko i malo

**Univerzal***promet*  
tuzla

75000 Tuzla, Mitra Trifunovića Uče 7  
centrala: tel. – 035 280 525, 281 522, 281 524  
direktor: tel. – 035 282 486, fax: 250 568  
komercijalna služba: tel. – 035 280 698, 280 526  
biro-servis: tel./fax: 035 251 219  
p.j. Bijeljina: tel. – 055 206 177  
e-mail: upromet@inet.ba

*P*oštovani

Univerzalpromet je za svoje cijenjene kupce, povodom nastupajućih vjerskih i novogodišnjih praznika, pripremio bogat asortiman promotivne poslovne galanterije:

rokovnici, kalendari, mape, adresari, vizitari, pisaći pribor, organizeri za uredski pribor, kožna ženska i muška galanterija, program Samsonite, svilene marame i kravate i još mnogo toga...

Po želji naših klijenata vršimo izradu tiska na svim artiklima.

Posjetite naš izložbeni paviljon u ul. M. T. Uče 7 u Tuzli, ili nas pozovite na tel.: 280 525, 280 526, 280 698.

Ekskluzivnost i kvalitet su naš zaštitni znak.

*Vaš partner  
Univerzalpromet*

*Za Vaš  
veći domet*

**Univerzalpromet**



Aktivnosti komorskih udruženja ...

## INICIJATIVA ZA OSNIVANJE GRAĐEVINSKOG FAKULTETA U SKLOPU UNIVERZITETA U TUZLI

Na sjednici Odbora Udruženja za građevinarstvo i industriju građevinskog materijala Kantonalne privredne komore Tuzla, razmatran je aspekt razvoja građevinarstva, u smislu svih njegovih resursa (obrazovanje, nauka i privreda). Nakon uvida u trenutno stanje Građevinskog odsjeka u sklopu Rudarsko-geološko-građevinskog fakulteta Univerziteta u Tuzli i profilisanja kadrova sa ovog fakulteta, članovi odbora su konstatovali da u nastavnom procesu na Građevinskom odsjeku učestvuje više nastavnika rudarske struke nego građevinske struke. Razlog tome je neadekvatan plan i program studija nametnut od strane većine nastavnika koji nisu građevinske struke. Trenutni plan i program ne zadovoljava potrebe građevinskih subjekata i nije usklađen niti sa jednim Građevinskim fakultetom u regionu. Građevinski subjekti ne trebaju Rudarsko-geološko-građevinskog inženjera. Na Građevinskom odsjeku obrazuju se diplomirani inženjeri opšteg usmjerenja, što je u koliziji sa zakonskom regulativom iz područja građevinarstva. Neopohodna su usmjerenja (konstruktivni, prometnice, hidrotehnika i dr.). Iz svega navedenog, vidljivo je da je za daljnji razvoj i profilisa-

nje kadrova (diplomiranih građevinskih inženjera) neophodno formiranje samostalnog Građevinskog fakulteta, odnosno da se on ne može dalje razvijati u sadašnjoj organizaciji RGGF-a. Građevinski subjekti, kao konzumenti kadrova građevinske struke, zahtijevaju od Vlade Tuzlanskog kantona i Skupštine Tuzlanskog kantona da



se ova inicijativa što prije uvrsti u dnevni red i razmotri. Mišljenja su članovi Odbora Udruženja, da na sjednici Vlade i Skupštine, pri razmatranju ove problematike, trebaju učestvovati predstavnici Udruženja za građevinarstvo i industriju građevinskog materijala, kako bi iznijeli stav i potrebne

relevantne informacije. Naglasili su da je građevinarstvo pokretač razvoja društva, a visoko obrazovani kadrovi predvodnici razvoja. Nadamo se da će ova inicijativa biti što prije realizovana sa ciljem daljnjeg razvoja Tuzlanskog kantona i Bosne i Hercegovine. Senat Univerziteta u Tuzli usvojio je Elaborat o statusnoj promjeni Rudarsko-geološko-građevinskog fakulteta RGGF-a i osnivanje Građevinskog fakulteta Univerziteta u Tuzli. Ovime je potvrđena ranija inicijativa Odbora Udruženja za građevinarstvo i industriju građevinskog materijala Kantonalne privredne komore Tuzla. Članovi Odbora upućuju ponovo podršku inicijativi i nude svu potrebnu pomoć oko osnivanja Građevinskog fakulteta Univerziteta u Tuzli i potrebne adaptacije objekta broj 22 u Kampusu Univerziteta u Tuzli, odnosno objekta koji pripada novoosnovanom Građevinskom fakultetu Univerziteta u Tuzli. U potpunosti podržavaju aktivnosti Voditelja građevinskog odsjeka na dosadašnjem radu i aktivnostima oko izrade navedenog Elaborata o osnivanju Građevinskog fakulteta Univerziteta u Tuzli kao i komisije koja je uradila Elaborat o statusnoj promjeni organizacione jedinice Univerziteta u Tuzli.

## RASPRAVA O REDOVIMA VOŽNJE

Odbor Sekcije za unutrašnji prijevoz putnika pri Udruženju za promet i komunikacije Kantonalne privredne komore Tuzla, upriličio je proširenu sjednicu. Pored članova Odbora Sekcije sjednici su prisustvovali i predstavnici Ministarstva za trgovinu, turizam i saobraćaj Tuzlanskog kantona. Na Dnevnom redu bila je problematika neprimjene Rješenja o produženju važnosti privremeno obustavljenog održavanja polaska ili voznog reda i privremeno registriranih voznih redova. Nakon diskusije je zaključeno da se uputi dopis Federalnom ministarstvu prometa i komunikacija u kojem se traži tumačenje Rješenja o produženju važnosti privremeno obustavljenog održavanja polaska ili voznog reda i privremeno registriranih voznih redova, odnosno da navedu da li se ovo Rješenje odnosi na federalne ili na kantonalne linije, jer su neka privredna društva dobila odbijenice od Kantonalnog ministarstva trgovine, turizma i saobraćaja smatrajući da se ovo Rješenje odnosi samo na federalne linije. Razgovaralo se i o sastanku održanom u Ministarstvu trgovine, turizma i saobraćaja na temu „Suzbijanje nelegalnog rada u oblasti prijevoza na području Tuzlanskog kantona“. Sastanku su prisustvovali predstavnici MUP-a, Ministarstva pravosuđa i uprave, Kan-

tonalne uprave za inspekcijske poslove, predstavnici općina sa područja Tuzlanskog kantona, predstavnici Samostalnog sindikata saobraćaja i veza u BiH, predstavnici Sindikata drumskog saobraćaja TK-a, predstavnici Udruženja poslodavaca FBiH – sektor transporta, predstavnici Udruženja za promet i komunikacije,



predstavnici Udruženja „Tuzlataxi“ Tuzla, udruženja „Kalesijataksi“ Kalesija i udruženja „Sapnataxi“ Sapna kako bi zajedno pokušali riješiti dugogodišnje probleme u saobraćaju i da se stanje u ovoj oblasti značajnije popravi. Međutim, utisak predstavnika Udruženja za pro-

met i komunikacije je da predstavnici inspekcija nisu spremni da riješe ovaj problem. Vežano za usklađivanje redova vožnje Odbor Sekcije je donio zaključak da se od Ministarstva trgovine, turizma i saobraćaja zahtijeva da se procedura za usklađivanjem kantonalnih redova vožnje prolongira do daljnjeg, obzirom da nisu stvoreni uslovi i pretpostavke za redovno održavanje usklađivanja redova vožnje u skladu sa Pravilnikom o načinu, uvjetima, postupku i kriterijima utvrđivanja i trajanja privremenog obustavljanja održavanja polaska ili voznog reda usljed više sile ili izvanrednog slučaja u cestovnom prometu. Usklađivanje kantonalnih redova vožnje iziskuje veće troškove i privredni subjekti u sadašnjem trenutku nisu u mogućnosti da podnesu značajna izdvajanja za usklađivanje redova vožnje na Tuzlanskom kantonu. Ukoliko postoje zahtjevi pojedinih općina, odnosno mjesnih zajednica na Tuzlanskom kantonu za otvaranjem novih linija i polazaka u prevozu, da se od Ministarstva u ime Udruženja delegira jedan predstavnik u Komisiju za usklađivanje redova vožnje, kako bi dali doprinos u primjeni navedenog Pravilnika, zaključak je sjednice Odbora Sekcije za unutrašnji promet putnika.



Aktivnosti komorskih udruženja ...

## USVOJEN PROGRAM RADA UDRUŽENJA ZA TRGOVINU

Razmatranje i donošenje Prijedloga Programa rada za 2012. godinu Udruženja za trgovinu, ugostiteljstvo i turizam Kantonalne privredne komore Tuzla, bilo je na dnevnom redu



posljednje sjednice Odbora Udruženja u protekloj godini. Program rada je jednoglasno usvojen a tokom rasprave je istaknuto da su članovi Odbora Udruženja donijeli odluku da se pokrene inicijativa o izmjeni člana 11. Zakona o privrednim društvima. Zadatak je da se ovo pitanje pripremi za narednu sjednicu Odbora Udruženja sa konkretnim prijedlogom kako bi se isti uputio nadležnim kantonalnim i federalnim ministarstvima te da bude obuhvaćeno Programom rada. Zaključak je da se u ime Udruženja uputi dopis Kantonalnom zavodu za zapošljavanje u kojem se traži dostavljanje informacije o raspodjeli sredstava po osnovu programa sufinansiranja zapošljavanja mladih osoba bez iskustva „400 +“ od 27.04.2011.godine, te da se od Ministarstva trgovine, turizma i saobraćaja pismenim putem traži spisak trgovinskih i ugostiteljskih objekata na području Tuzlanskog kantona u elektronskoj formi. Razgovarano je o predstojećim sajamskim aktivnostima koje poduzima Kantonalna privredna komora Tuzla za svoje članice te o učešću firmi članica Udruženja u predstavljanju privrede Tuzlanskog kantona na značajnim sajamskim manifestacijama u državi i regionu.

## NEOPHODNO POVEĆATI CIJENU MLIJEKA

Odbor Grupacije za mlijeko Tuzlanskog kantona pri Udruženju za poljoprivredu i prehrambenu industriju, održao je IV sjednicu. Razgovaralo se o radu Grupacije u 2011.godini, o primjeni Federalnog Zakona o novčanim podrškama i Uredbi o kontroli kvaliteta mlijeka u 2012.godini te o prijedlogu novčanih podrški za 2012.godinu. Zaključeno je da se uputi dopis podrške federalnom nadležnom ministarstvu vezano za povećanje od 6% odvajanja iz budžeta za poljoprivredu kao i dopis kantonalnom ministarstvu u kojem se traži isplata podsticaja za kukuruz, muzne krave i regres kamata. Proizvođači mlijeka su na ovom skupu najavili povećanje cijene mlijeka. Formirana je delegacija u ime Grupacije koja je dobila zadatke da pokrene aktivnosti vezane za otkup mlijeka te za organizovanje sastanka sa kantonalnim ministrom za poljoprivredu kako bi se razgovaralo o mjerama i smjernicama vezano za dodjelu zemljišta na području određenih općina Tuzlanskog kantona. Upućena je poruka sa ovog skupa kako je neophodno primjenjivati odredbu po ugledu na RS gdje je cijena mlijeka 0,35 feninga ali da se istovremeno u 2012. godini ne insistira na Uredbi o kontroli kvaliteta mlijeka. Zaključak je da se nakon niza godina treba povećati cijena mlijeka.



## USVOJEN PROGRAM RADA UDRUŽENJA ZA PROMET I KOMUNIKACIJE

Sjednicom Odbora Udruženja za promet i komunikacije zaključene su aktivnosti u protekloj godini u ovom Udruženju Kantonalne privredne komore Tuzla. Diskutovalo se o prijedlogu Programa rada Udruženja za 2012. godinu. Doneseno je nekoliko zaključaka koji su dopuna ponuđenom dokumentu koji je jed-

noglasno usvojen. Ovoj sjednici prethodila je sjednica Sekcije za prijevoz tereta u teretnom saobraćaju na području Tuzlanskog kantona koja djeluje u okviru Udruženja za promet i komunikacije Kantonalne privredne komore Tuzla. Članovi Sekcije su dali podršku i usvojili Program rada za 2012. godinu.





Aktivnosti komorskih udruženja ...

## INICIJATIVA ZA PROMJENE ZAKONA

Prva ovogodišnja sjednica Odbora Udruženja za trgovinu, ugostiteljstvo i turizam Kantonalne privredne komore Tuzla, donijela je razmatranje mogućnosti za pokretanje inicijative za izmjenu Zakona o zdravstvenom osiguranju Federacije Bosne i Hercegovine i izmjenu člana 11. Zakona o privrednim društvima Federacije Bosne i Hercegovine. Zaključeno je da se u ime Udruženja uputi dopis Upravnom odboru Komore o pokretanju inicijative da se član 81. Zakona o zdravstvenom osiguranju „Službene novine FBiH“ broj 30/77“ koji glasi: „Za povredu na radu i oboljenja od profesionalne bolesti osiguravaju prava ili fizičko lice osigurava u cjelosti sredstva za ostvarivanje prava iz člana 36. ovog Zakona. Pravna ili fizička lica dužna su da se reosiguraju radi rizika iz stava 1. ovog člana“, ukine ili izmijeni, nakon čega bi Upravni odbor Komore uputio



dopis Federalnom ministarstvu zdravstva i Federalnom ministarstvu za rad i socijalnu politiku o pokretanju inicijative da se ovaj član izmijeni ili ukine u Zakonu o zdravstvenom osiguranju. Zadatak

predsjednika Odbora Udruženja Kasima Selimovića je da sa ovim problemom učestvuje u raspravi prilikom prezentacije dokumenta „Poreska reforma u funkciji investicija i zapošljavanja“ u Kantonalnoj privrednoj komori Tuzla, da iznese primjedbe i prijedloge vezane za član 11. Zakona o privrednim društvima, a to su: smanjenje taksi, pitanje roka za registraciju poslovnih jedinica, pojednostavljenje procedure oko dokumentacija za registrovanje poslovnih jedinica društva. Članovi Odbora Udruženja donijeli su odluku da se za sljedeću sjednicu Odbora Udruženja pozove predstavnik privatnog sektora iz oblasti zdravstva, kako bi članove Odbora Udruženja upoznao o primjeni Zakona o pravima korištenja zdravstvenih usluga u javnom i privatnom sektoru, nakon čega bi se pokrenula inicijativa i uputili dopisi nadležnim ministarstvima da se ta procedura ubrza.

## II SJEDNICA ODBORA GRUPACIJE ORGANSKIH PROIZVOĐAČA TK

II sjednica Odbora Grupacije organskih proizvođača Tuzlanskog kantona održana je početkom ove godine u Kantonalnoj privrednoj komori Tuzla.

Članovi Odbora ove Grupacije koja djeluje pri Udruženju za poljoprivredu i prehrambenu industriju Kantonalne privredne komore Tuzla, razgovarali su o problemu primopredaje dužnosti upravnog tijela Asocijacije organskih proizvođača TK-a, novoizabranom rukovodstvu Asocijacije. Bilo je riječi i o Sajmu organskih proizvođača 2012. godine u Gradačcu te o prijedlogu novčanih podrški za organsku proizvodnju u 2012. godini. Zaključeno je da se na sjednici Asocijacije (u Zenici održana krajem januara), izvrši primopredaja dužnosti i dokumentacije novoizabranom predsjedniku Asocijacije

Feridu Velagiću. Donesene su i odluke o izmjenama određenih članova Statuta Asocijacije organskih proizvođača TK-a, a koji se odnose na broj članova Upra-



vnog odbora. Izabrano je pet članova Asocijacije. Nakon predstavljanja Sajma

u Gradačcu, zaključeno je da Asocijacija organskih proizvođača TK-a bude partner organizatoru Sajma, a predstavnik je Ferid Velagić, da u ime Komore kao partnera organizatoru Sajma bude delegiran Suad Selimović, da se na Sajmu pokušaju organizovati edukacije kako bi građani, odnosno potrošači bili upoznati šta znači organska hrana. Grupacija organskih proizvođača donijela je odluku da se uputi dopis nadležnom ministarstvu u kojem se traži da se za ovu godinu u budžetu Kantona uvrste i proizvođači organske hrane za poticaje, kako bi se proizvođači mogli dalje razvijati. Također, Grupacija je donijela odluku da nakon uspostave rada Asocijacije organskih proizvođača TK-a donese odluka o visini članarine Komori.

D.K.



Solana<sup>®</sup>  
Tuzla

*Kvalitet sa tradicijom*



*Moj Naj Začin*  
PRODUCT BY SOLANA



Uspjeh firme članice Komore ...

## NOVI SALON NAMJEŠTAJA "IZAZOV"

Preduzeće "Izazov" iz Kalesije je proteklu godinu i dugogodišnje uspješno poslovanje, krunisalo značajnim poslovnim uspjehom. Porodici poslovnih jedinica pod znakom "Izazov" pridružena je još jedna, još jedan salon namještaja.

Riječ je o adaptiranom i renoviranom salonu namještaja u Miladijama u Tuzli (bivša Lesnina).

*„Veliko je zadovoljstvo u svima koji su uz firmu "Izazov". Posebno je taj osjećaj u nama koji smo ugradili puno toga i posvetili se razvoju ove firme i korektnom profesionalnom odnosu i prema kupcima, prema poslovnim partnerima ali i prema našim uposlenicima. Najavili smo na našem prošlom velikom događaju, otvaranju velikog prodajnog objekta u Kalesiji, da tu nećemo stati. I obećanje smo ispunili. Proširili smo proizvodnju, povećali broj prodajnih objekata, povećali broj poslovnih saradnika i, što posebno raduje, imamo sve više zadovoljnih kupaca. Novi objekat je naznaka još ljepših dana za firmu Izazov, istovremeno i obaveza da očuvamo nivo proizvodnje i kvaliteta naših proizvoda ali i da sa ovog mjesta damo sebi novi zadatak, da se nećemo ovdje zaustaviti i da ćemo u narednom periodu pokušati ostvariti nove poslovne uspjehe. Već sada možemo najaviti da će i u proljeće biti novosti iz naše firme. "Izazov" će biti bogatiji za jedan savremeni proizvodni objekat površine 4 000 kvadrata u Gornjoj Kalesiji u koji ćemo premjestiti kompletnu našu još savremeniju proizvodnju. Tržištu ćemo ponuditi nove proizvodne linije i možemo sa sigurnošću izjaviti da ćemo imati i proizvodnju i namještaj u skladu sa evropskim*

*standardima",* rekao je Esad Jakubović vlasnik firme „Izazov“.

Svečanu vrpcu u novootvorenom salonu su presjekli Željko Knežiček, ministar industrije, energetike i rudarstva Tuzlan-

Esada Jakubovića. **„Presretan sam zbog činjenice što smo danas dobili novih deset radnih mjesta,** poželivši sretan rad "Izazovu" i u narednom periodu, izjavio je u ime Vlade Tuzlanskog kantona, Željko Knežiček ministar za industriju, energetiku i rudarstvo.

Inače, proizvode uspješnog proizvođača namještaja, firme "Izazov" moguće je naći u prodajnim objektima firme u Kalesiji, Tuzli i Sarajevu te u više od dvadeset salona poslovnih partnera širom BiH. Od novembra 2007. godine proizvodi "Izazova" se izvoze u Hrvatsku. Firma "Izazov" je zabilježila nekoliko zapaženih nastupa na sajmovima u Zagrebu, Beogradu i Splitu, na kojima je uspješno predstavljala privredu Tuzlanskog kantona. "Izazov" posluje od 1997. godine, sa osnovnom djelatnošću primarne i finalne prerade drveta. Proizvodnja se u poslovnim jedinicama obavlja automatizovano na savremenim strojevima visokog tehnološkog nivoa što za rezultat ima proizvodnju visokokvalitetnih proizvoda. U svom sastavu "Izazov" posjeduje kamione za prijevoz trupaca i gotovih proizvoda, pilanu, sušaru, linije za proizvodnju pločastog, tapaciranog i namještaja od punog drveta. Razvoj svakog privrednog subjekta znači doprinos razvoju općine na kojoj egzistira. Razvoj svake općine znači razvoj i prosperitet Tuzlanskog kantona, stvaranje boljih i kvalitetnijih uslova za život na ovom području ali i pozicioniranje Tuzlanskog kantona na visoko mjesto značajnih privrednih područja. Novi salon namještaja u Tuzli, obogatit

će ponudu na tržištu ali i otvoriti i nova radna mjesta.

D.K.  
Foto: S.P.



skog kantona, Nedret Kikanović, predsjednik Kantonalne privredne komore Tuzla te djeca vlasnika firme "Izazov"



Informacija o implementaciji projekta EU IPA 257637...

## ZAJEDNIČKA AKCIJA ZA "OZELENJAVANJE" INDUSTRIJE

Udruženje za hemiju i nemetale KPK Tuzla učestvuje u projektu EU iz programa Pretpristupne pomoći IPA 2008 koji implementira Centar za okolišno održivi razvoj (COOR) iz Sarajeva, *Zajednička akcija za "ozelenjavanje" industrije*. Projekt traje 18 mjeseci i realizuje se u partnerstvu sa udruženjem Inicijativa i civilna akcija (ICVA) iz Sarajeva. Područje implementacije projekta je deset kantona u FBiH (Unsko-sanski, Posavski, **Tuzlanski**, Zeničko-dobojski, Bosansko-podrinjski, Srednjobosanski, Hercegovačko-neretvanski, Zapadnohercegovački, Kanton Sarajevo i Hercegbosanski kanton). Opšti cilj Projekta je podsticanje partnerstva između Vladinog i nevladinog sektora sa ciljem efektivne implementacije EU Direktive o integralnoj prevenciji i kontroli zagađivanja (IPPC) u BiH.

### AKTIVNOSTI NA PROJEKTU U TUZLANSKOM KANTONU

#### Monitoring industrijske aktivnosti

U okviru Projekta formirana je „Watch dog“ grupa za monitoring ponašanja industrija u odnosu na zahtjeve iz Zakona o zaštiti okoliša, odnosno zahtjeve iz izdatih okolinskih dozvola. „Watch dog“ grupu čine COOR-a, ICVA-e i 10 odabranih NVO-a iz svakog kantona u FBiH. **Iz Tuzlanskog kantona odabrano je Društvo za istraživanje i razvoj - DIR Tuzla**. Prva aktivnost na Projektu bila je upoznavanje sa trenutnom situacijom po pitanju industrijskih zagađivača i izdatih okolinskih dozvola u Tuzlanskom kantonu. Analizom je utvrđeno da je na Tuzlanskom kantonu od 2004. do 2011. godine, okolinsku dozvolu iz nadležnosti Federalnog ministarstva turizma i zaštitu okoliša dobilo 27 industrija, a u toku je postupak za 58 industrija. Za isti period iz nadležnosti Ministarstva za prostorno uređenje i zaštitu okolice Tuzlanskog kantona izdato je 219 okolinskih dozvola. Prema podacima KPK Tuzle na području Tuzlanskog kantona identificirano je još 100 industrija koje nemaju okolinsku dozvolu. U narednom koraku DIR je u saradnji sa KPK



Tuzla realizirao sastanke u Ministarstvu za prostorno uređenje i zaštitu okolice Tuzlanskog kantona i Kantonalnoj upravi za inspeksijske poslove Tuzla. Tom prilikom data je puna podrška realizaciji projekta kroz zajedničku

akciju svih učesnika: industrije, ministarstva, inspekcije, privredne komore i civilnog društva u prevenciji i kontroli zagađenja industrija, kao doprinosu poboljšanja kvaliteta okoliša u Tuzlanskom kantonu, te boljoj primjeni propisa iz zaštite okoliša u FBiH i odredbama koje su u skladu sa IPPC direktivom.

Procesu "nadzora" ("watch dog") odabranih industrija na TK implementira se kroz sljedeće aktivnosti:

- Aktivnost 1 • identificirati zagađivače i odabrati one koji će se pažljivo pratiti;
- Aktivnost 2 • identificirati specifične okolišne probleme;
- Aktivnost 3 • ocijeniti rad industrije kada je u pitanju zagađenje;
- Aktivnost 4 • priprema izvještaja o provedenom monitoringu;
- Aktivnost 5 • prezentirati Izvještaj o monitoringu i dodijeljene ocjene (kantonalna i/ili federalna) ministarstva okoliša;
- Aktivnost 6 • objaviti informacije u javnost

U postupku odabira industrija u kojima će se raditi monitoring u odnosu na zahtjeve iz zakona o zaštiti okoliša, odnosno zahtjeve iz izdatih okolinskih dozvola, odabrane su sljedeće industrije:

- Federalni nivo - DD SOLANA Tuzla i DD SISECAM SODA Lukavac
- Kantonalni nivo - KEMIS, d.o.o. Lukavac, JADRINA, d.o.o. Gračanica, Benzinska pumpa PETROL Tuzla i KLAONICA BAŠIĆ, d.o.o. Tuzla.

U narednim koracima realizirani su sastanci sa predloženim industrijama, predstavljen je Projekt i učešće odabranih industrija u Projektu. Industrije su dale podršku Projektu i potvrdu o učešću.

**Esad Arnautović,**  
sekretar Udruženja



Sajamske aktivnosti ...

## JOŠ JEDAN USPJEŠAN "VIROEXPO"

Završen je rekordni 17. međunarodni sajam gospodarstva, obrtništva i poljoprivrede Viroexpo 2012. Predstavilo se 757 izlagača iz 21 zemlje. Među njima su i predstavnici Tuzlanskog kantona, učesnici zajedničke sajamske postavke i predstavljanja Privrede TK, koju tradicionalno za svoje članice organizuje Kantonalna privredna komora Tuzla.

**"Bila je ovo naša prva sajamska manifestacija u ovoj godini. Također, prvi put se pojavljujemo na sajmu Viroexpo u Virovitici i moram se koristiti ovom**



**prilikom da istaknem nekoliko značajnih stvari. Prije svega želim odati priznanje našim prijateljima u HGK Županijska komora Virovitica i gen. sekretaru Milanu Vanduri te njegovim saradnicima, na visokoj razini organizacije cjelokupnog Sajma, sajamskog prostora, svečanog otvaranja Sajma i svih pratećih sadržaja. Posebno želim istaći zahvalnost što su uspjeli potvrditi tezu da je ovo "sajam koji ima dušu". Proveli smo ugodne trenutke u Virovitici, kvalitetno predstavili firme – naše članice i uspješno otvorili ovu sajamsku sezonu. Učinit ćemo maksimalne napore da privreda Tuzlanskog kantona i u narednim godinama bude predstavljena na ovoj izuzetno kvalitetnoj sajamskoj manifestaciji. Nas posebno raduje što raste broj firmi naših članica koje prepoznaju značaj ovih aktivnosti koje poduzimamo u Komori a u cilju njihovog prezentovanja i stvaranja uslova za otvaranje novih tržišta. Raduje što je kvalitetna saradnja sa Općinom Tuzla i Vladom TK rezultirala i njihovim učešćem u zajedničkoj postavci",** izjavio je za Komorski informator Jorgovan Begić, dopredsjednik Kantonalne privredne komore Tuzla i rukovodilac zajedničke postavke privrede Tuzlanskog kantona. Vrijedno je pomenuti da je svečanom otvaranju Sajma prisustvovalo niz istaknutih ličnosti iz privrednog i političkog života

podravske županije, Turistička zajednica Virovitičko-podravske županije. Tvrtka Viroexpo d.o.o. bila je tehnički organi-

**Predstavljanje privrede TK na zajedničkom izložbenom prostoru organizovala je Kantonalna privredna komora Tuzla, a postavku su sačinjavali: "Fana" d.o.o. Srebrenik, GAMUS d.o.o. Tuzla, "Herceg" d.o.o. Srebrenik, Hotel "Tuzla" Tuzla, "Indira" d.o.o. Gradačac, "Meraklija" - Destilacija MN Seona Srebrenik, PMP "Mikron-Metalno" d.o.o. Lukavac, "Piemonte" Tuzla, "Pivara" d.d. Tuzla, "Prerada i promet mlijeka" Tuzla, "PRO PAK" d.o.o. Tuzla, "Solana" d.d. Tuzla, TC "Dramar" Tuzla, Udruženje inovatora Tuzlanskog kantona, "Veda" d.o.o. Srebrenik, Turistička zajednica Tuzlanskog kantona, Općina Tuzla i Vlada Tuzlanskog kantona. Naredna sajamska aktivnost koju će poduzeti Kantonalna privredna komora Tuzla, jeste 19. osječki proljetni sajam koji se u Osijeku održava od 2. do 4. marta.**

zator sajma. Viroexpo je, kako se moglo čuti na stručnim skupovima tokom Sajma, jedini sajam u Hrvatskoj koji od svog osnutka kontinuirano raste u svim segmentima. Bosnu i Hercegovinu su na ovom Sajmu, uz Tuzlansku komoru, predstavljali i

Privredna komora USK Bihać, Privredna komora Doboj i Privredna komora FBiH. Predstavljanje privrede TK na zajedničkom izložbenom prostoru organizovala je Kantonalna privredna komora Tuzla, a postavku su sačinjavali: "Fana" d.o.o. Srebrenik, GAMUS d.o.o. Tuzla, "Herceg" d.o.o. Srebrenik, Hotel "Tuzla" Tuzla, "Indira" d.o.o. Gradačac, "Meraklija" - Destilacija MN Seona Srebrenik, PMP "Mikron-Metalno" d.o.o. Lukavac, "Piemonte" Tuzla, "Pivara" d.d. Tuzla, "Prerada i promet mlijeka" Tuzla, "PRO

PAK" d.o.o. Tuzla, "Solana" d.d. Tuzla, TC "Dramar" Tuzla, Udruženje inovatora Tuzlanskog kantona, "Veda" d.o.o. Srebrenik, Turistička zajednica Tuzlanskog kantona, Općina Tuzla i Vlada Tuzlanskog kantona. Naredna sajamska aktivnost koju će poduzeti Kantonalna privredna komora Tuzla, jeste 19. osječki proljetni sajam koji se u Osijeku održava od 2. do 4. marta.

Naredna sajamska aktivnost koju planira Kantonalna privredna komora Tuzla za svoje članice, jeste predstavljanje privrede TK na „19. osječkom proljetnom sajmu“ koji se održava na sajamskom prostoru u Osijeku od 2. do 4. marta 2012.godine. Kantonalna privredna komora Tuzla, organizuje zajedničku postavku privrede Tuzlanskog kantona iz oblasti poljoprivrede, prehrane i pratećih industrija, drugu godinu zaredom u Osijeku. Kao organizator zajedničke postavke, u okviru Sajma planirano je predstavljanje firmi članica Komore, organizovanje promocije na izložbenom prostoru Komore, organizovanje „Bilateralnih susreta“ sa privrednicima iz Tuzlanskog kantona i Osječko-baranjske županije. Izložbeni prostor je bez naknade za svoje članice obezbijedila Kantonalna privredna komora Tuzla u saradnji sa Hrvatskom gospodarskom komorom, Županijska komora Osijek.

**Pripremio: Dino Kalesić**





Novo na tržištu ...

## RADLER ZAOKRUŽIO SEZONU

Novim brendom Premium Radler Lemon završena je 2011. godina u "Pivari" d.d. Tuzla. U povodu završetka kalendarske 2011. godine, "Pivara" d.d. Tuzla je krajem godine organizovala je novogodišnji prijem za zaposlenike u medijima s ciljem iskazivanja zahvalnosti na saradnji i informiranja javnosti o poslovnim uspjesima u godini koja je na isteku i da bi prezentirali novi brend Premium Radler Lemon. **"U 2011. godini dijelom smo uspeli ostvariti sve zacrtane planove, možemo se pohvaliti povećanom prodajom Tuzlanskog pilsnera. Posebno je važno što smo ostvarili strateške ciljeve, prije svega prodaju Tuzlanskog pilsnera, našeg glavnog brenda. Porast prodaje Tuzlanskog pilsnera u ovoj godini iznosi ukupno deset posto. Jedina smo bh. pivara koja u ovoj izuzetno teškoj godini bilježi pozitivan trend prodaje a ušli smo i u kategoriju novih proizvoda. To su sokovi Panonska ledena. Prodato je 1.200.000 litara soka Panonska ledena, što je u prvoj godini izuzetan rezultat. Također, izbacili smo na tržište i novi brend Premium crno pivo, koje je ostvarilo dobar rezultat i našlo svoje mjesto kod potrošača. Uvođenje crnog piva se pokazalo odličnim, a odlučili smo se i na proizvodnju Premium radlera.**

**Cilj nam je da do ljeta napravimo što bolju distribuciju ovog proizvoda širom BiH",** is-



takao je novinarima Adnan Imerović, direktor Pivare Tuzla.

Prema riječima Imerovića, u 2012. godinu ulaze sa novim planovima, a to pokazuje i izlazak na tržište piva Premium Radler Lemon, koje su prisutni novinari imali priliku degustirati na svečanom prijemu.

**"Za kvalitet piva zaslužni su eminentni distributeri iz Njemačke koji drže 70 % Radlera, izvrsna stuparska voda i naše vrhunsko pivo, a sve kontrolisano u savremenim laboratorijama Pivare Tuzla. Premium Radler Lemon već se nalazi u trgovinama, tako da će biti odlično osvježenje za praznike koji slijede. Dobar dio naših aktivnosti u prethodnom periodu je otišao na očuvanje čovjekove okoline, te na uštedu vode. Učinili smo mnogo na modernizaciji, pa je ljudima lakše obavljati poslove, ali sve to ne utiče na okolinu",** dodao je Imerović.

**Na prijemu za zaposlenike u medijima najavljeno je i zvanično otvaranje objekta "Pivnica". "Potpisani su svi potrebni ugovori, papirologija je završena, a odobrena su i finansijska sredstva, tako da je postavljen rok za otvaranje Pivnice u martu 2012. godine",** najvio je Imerović.

D.K.

## NOVI NAZIV: "NLB BANKA"

U sjedištu NLB Banke u Tuzli održana je konferencija za novinare povodom promjene naziva NLB Tuzlanske banke u NLB Banka. U skladu sa osnovnim opredjeljenjem Banke u njenom radu zadovoljenjem potreba klijenata za finansijskim uslugama, kontinuiranim unapređenjem kvaliteta i asortimana bankarskih proizvoda i usluga, kao i strategijom širenja mreže, zbog veće dostupnosti klijentima usluga, na održanoj 31. sjednici Skupštine dioničara Banke donesena je Odluka o izmjeni imena Banke, što je logičan nastavak strateškog razvojnog plana da se pojača i jasno odredi prisutnost Banke na cijelom području Federacije Bosne i Hercegovine.

U svom obraćanju direktor NLB Banke, Almir Šahinpašić je dao kratak osvrt na istorijat i kontinuitet uspješnog poslovanja Banke: „Tokom svog višedecenijskog postojanja, Banka je pretrpjela niz statusnih i vlasničkih transformacija. Jedna od najznačajnijih je svakako promjena većinskog vlasništva 2005. godine, kada je Banka dobila strateškog partnera i postala članica najveće slovenačke međunarodne finansijske grupacije – NLB Grupe, a već nakon godinu dana, 01.07.2006. pripajanjem CBS Bank d.d., Sarajevo došlo je do znatnog proširenja poslovne mreže, broja klijenata i jačanja kapitala Banke. Primjenom novih i savremenih tehnologija bankarskog poslovanja uspijevamo da kontinuirano unapređujemo

kvalitet i asortiman usluga," i u nastavku dodao da ovo potvrđuju ključni pokazatelji poslovanja Banke koji imaju stalni trend rasta, tako da se Banka sa ovim parametrima svrstala među vodeće finansijske institucije na tržištu FBiH. „Prema raspoloživim podacima, sa 30.09.2011. godine, od 19 banaka, koje posluju na ovom tržištu, Banka po veličini aktive zauzima peto mjesto sa tržišnim učešćem



od 6,0 %", istakao je Šahinpašić. U prilog kontinuiranog rasta ključnih pokazatelja poslovanja Banke govori i laskava titula „Najbolje banke srednje veličine u BiH decenije od 2000.-2010.“, koju je Banci dodijelio ugledni londonski časopis „Finance Central Europe“. U nastavku konferencije za novinare, prisutnima se obratio i zamjenik direk-

tora NLB Banke, Iztok Gornik koji je istakao da je Banka, iako suočena sa refleksijama finansijske i ekonomske krize i u ovoj godini, zadržala kontinuitet pozitivnog poslovanja: „Zaokružili smo 2011. godinu sa izuzetno dobrim poslovnim rezultatima i realizacijom gotovo svih planskih veličina. Zahvaljujući klijentima, njih čak 230.000, koji su nam ukazali svoje povjerenje, bilo je moguće ostvariti naše rezultate.“ Gornik je predstavio i strateške ciljeve Banke u periodu do 2016. godine, a među najvažnijima istaknuo sljedeće: „Zadržati imidž poslovnog i pouzdanog partnera konkurentnošću i ponudom proizvoda, a to je moguće samo ukoliko budemo pomno pratili potrebe klijenata u cilju veće efikasnosti naših usluga, zatim, obezbijediti rast Banke i povećati tržišno učešće u bankarskom sektoru FBiH, kao i obezbijediti nove izvore prvenstveno iz nebankarskog sektora. Banka će zadržati relativno veliki tržišni udio u tuzlanskoj regiji i povećati udio u sarajevskoj i mostarskoj regiji. "U toku je i sveobuhvatna medijska kampanja koja podržava promjenu imena Banke sa jednostavnim sloganom „Zbog Vas želimo biti još bolji!". NLB Banka – članica NLB Grupe, najveće slovenačke međunarodne finansijske grupacije na području jugoistočne Europe koja broji 49 članica na 15 tržišta.





Kretanja u privredi TK ...

## PRIVREDNA KRETANJA U TUZLANSKOM KANTONU ZA PERIOD I-XI 2011. GODINE

Za jedanaest mjeseci 2011. godine u Tuzlanskom kantonu zabilježen je porast indeksa industrijske proizvodnje za 9.2% u odnosu na isti period 2010. godine. Ovaj porast je znatno iznad prosjeka Federacije, gdje je indeks industrijske proizvodnje zabilježio porast od svega 3,4% u odnosu na isti period prošle godine. Najveći porast je zabilježen u proizvodnji tekstila, mašina i proizvodnji proizvoda od gume i plastičnih masa. U odnosu na isti period 2010. godine, zabilježen je pad indeksa proizvodnje namještaja, kancelarijskih mašina i proizvodnja koksa i derivata nafte.



Prema podacima Federalnog zavoda za statistiku u oktobru 2011. godine u Tuzlanskom kantonu je bilo zaposleno ukupno 83.784 osobe, što je za 1.4% više u odnosu na prosjek iz 2010. godine. 62.032 osobe su zaposlene u privrednom sektoru dok je njih 21.752 zaposleno u javnom sektoru. Prerađivačka industrija i trgovina zapošljavaju najveći dio osoba. Prosječna neto plata iznosi 727,86 KM. Najviše prosječne neto plate su u sektoru proizvodnje i opskrbe el.energijom, plinom i vodom, dok su najniže prosječne neto plate zabilježene u trgovini. Ukupan broj nezaposlenih u oktobru je iznosio 94.529 osoba.




### VANJSKOTRGOVINSKA RAZMJENA U 2011. GODINI

U 2011. godini iz Tuzlanskog kantona ukupno je izvezeno proizvoda u vrijednosti od 1.150.617.000 KM što je u odnosu na 2010. godinu više za 12.3%. Najveći porast je zabilježen u izvozu sirove kože i krzna, hrane za životinje, prirodnih đubriva i minerala osim gnojiva i plastičnih masa, dok je najveći pad izvoza zabilježen kod žitarica i proizvoda od žitarica, toaletnih proizvoda i metalnih ruda i otpadaka metala. Iz Tuzlanskog kantona najviše se izvozilo u Srbiju (cca 260 miliona KM), Sloveniju (cca 155 miliona KM) i Austriju (cca 150 miliona KM). Kod većine najznačajnijih partnera u koje se izvozi iz Tuzlanskog kantona je zabilježen porast izvoza.

U Tuzlanskom kantonu je u 2011. godine zabilježen porast uvoza od 10,1% u odnosu na isti period 2010. godine. Uvezeno je proizvoda u vrijednosti od 1.372.908.000 KM. Najveći porast uvoza u odnosu na prošlu godinu je zabilježen kod uvoza kafe, čaja, kakaa i začina, metalne rude i otpadaka metala i anorganskih hemikalija, dok je najveće smanjenje uvoza zabilježeno kod uvoza duhana i proizvoda od duhana, hrane za životinje i telekomunikacijskih i aparata za snimanje zvuka. Od ukupne vrijednosti uvezenih roba, najviše ih je uvezeno iz Sjedinjenih Američkih Država, Njemačke i Italije. Pokrivenost uvoza izvozom u Tuzlanskom kantonu je 83,8% što je značajno iznad pokrivenosti uvoza izvozom na nivou Federacije BiH koja iznosi 57,0%.

	ZAPOSLENI	NEZAPOSLENI
X 2010	81.419	92.128
XI 2010	81.349	92.418
XII 2010	81.159	92.037
I 2011	82.892	92.788
II 2011	83.380	92.682
III 2011	82.873	92.965
IV 2011	83.112	92.951
V 2011	82.975	93.028
VI 2011	82.865	93.353
VII 2011	83.290	93.696
VIII 2011	83.000	94.739
IX 2011	82.932	94.089
X 2011	83.784	94.529



**STRUČNA SLUŽBA  
KANTONALNE PRIVREDNE  
KOMORE TUZLA**



KANTONALNA  
PRIVREDNA  
KOMORA TUZLA



# ŠKOLA RAČUNARA ECDL

(European Computer Driving Licence)

Kantonalna privredna komora Tuzla u saradnji sa Institutom za edukaciju Vanjskotrgovinske komore BiH organizira međunarodno priznatu školu računara **ECDL - Europski certifikat o poznavanju rada na računaru.**

Ova škola se sastoji od slijedećih modula:

- Modul 1. Osnovi informacionih tehnologija (IT)
- Modul 2. Microsoft Office Windows XP (operativni sistem i upravljanje datotekama)
- Modul 3. Microsoft Office Word 2003 (obrada teksta)
- Modul 4. Microsoft Office Excel 2003 (rad sa tabelama)
- Modul 5. Microsoft Office Access 2003 (baze podataka)
- Modul 6. Microsoft Office PowerPoint 2003 (izrada prezentacija)
- Modul 7. Microsoft Office Outlook 2003 (Internet i elektronska pošta)

Predznanje nije neophodno!!!

Svaki od navedenih modula se pojedinačno polaže. ECDL TEST se polaže putem Interneta. Nakon položenih modula 2, 3, 4 i 7 dobiva se **ECDL START certifikat** a nakon svih sedam **ECDL DIPLOMA**, koji su priznati u 146 država svijeta ([www.ecdl.com](http://www.ecdl.com)).

Više informacija o ECDL-u u Bosni i Hercegovini možete naći na [www.ecos.ba](http://www.ecos.ba) ili [www.ecdl.ba](http://www.ecdl.ba)

#### **Kotizacija za ECDL start:**

400,- KM na tri rate (I rata 200,- KM prije početka škole).

U kotizaciju su uračunati: troškovi edukacije, priručnici i jedno polaganja svakog od navedena četiri modula. Pravo polaganja kandidat stiče uplatom cjelokupnog iznosa.

ŠKOLA ZA ECDL START CERTIFIKAT POČINJE U KANTONALNOJ PRIVREDNOJ KOMORI TUZLA,

#### **Termini nastave:**

Grupa 1: ponedjeljak i srijeda 14:00 - 15:30

Grupa 2: utorak i četvrtak 14:00 - 15:30

Zbog ograničenog broja mjesta molimo Vas da na vrijeme izvršite prijavu!

#### **Informacije i prijave:**

KANTONALNA PRIVREDNA KOMORA TUZLA

75000 TUZLA, Trg slobode b.b.

[jovan@kpktz.ba](mailto:jovan@kpktz.ba)

tel. : 035 258-260

NLB Banka  
Dobro došli



## Zbog Vas želimo biti još bolji!

NLB Tuzlanska banka promijenila je ime u NLB Banka. Zbog Vas smo postali jača, stabilnija i sigurnija Banka. Dostupni smo na području cijele Federacije BiH u 38 poslovnica, a uz pomoć elektronskog bankarstva na usluzi smo Vam 24 sata.

NLB  Banka  
*Znam zašto.*

[www.nlb.ba](http://www.nlb.ba)

Kontakt centar: 035 259 259